

雷波廳志卷之八

公署志

我讀幽詩躋堂有頌南面臨民莊以御眾重門不掩
億兆洞觀自公退食攸芋安安營衛分羅干城望重
能示威嚴乃資馭控琴堂日暖戟署風高四方瞻視
永鎮天驕志公署第八

通判署舊爲衛守備署雍正八年衛守備胡漪請款
建修 巡撫憲德委潼川知州徐遵義監修乾隆十
四年守備李仁彪建立

雷波廳志

卷之八

公署

一

聖諭牌坊於大堂下二十六年升廳通判楊道國卽改衛署
爲通判署並刊奉頌

御書清慎勤三字懸於大堂嘉慶八年通判李鐸捐修左右
幕府十四年通判達崇阿捐修右花廳道光二十二
年被火延燒過半署通判徐先琅集款補修二十三
年通判張擴廷復修倉廩監獄東西科房咸豐元年
通判李清宴修花廳於大堂之右顏曰翰甜六年通
判賀洪熙補築監牆增廣十丈八年右上花廳朽壞
通判周倬捐修顏曰寄鴻軒光緒十年通判周鳳藻

補修大堂十七年署通判秦雲龍以全署朽敗傾圮
可危二堂三堂尤甚乃捐資籌款攘平地勢新建二
堂三堂及左右客廳廳外建頭門鼓樓規模宏敞煥然

一新為文以記

通判秦雲龍記

廳之有衙署由來舊矣即衙署敝壞從而培修之亦
有司職耳曷為記記者何重改作也魯人為長府閔
子騫曰仍舊貫如之何何必改作子曰夫人不言言
必有中推夫子之意豈不以魯值衰微之際方憂國
用之不足乃動大眾興大役勞民傷財是亦不可以
已乎則改作不如仍舊之為愈也若雷波廳署則有
不然者雷波舊屬土司雍正八年改土歸流置衛守
備始建衙署乾隆二十六年改衛為廳歷今百有餘
年風雨飄搖簷廊傾圮岌岌乎不可終日中間雖聞

雷波廳志

卷之八

公署

二

有培修亦不過因時損益隨意添造而正房依然如
故辛卯夏余以夔州通判奉調來茲甫入境見地方
之凋敝繼進署見房闔之倚傾爰進紳耆而詢之僉
稱廳署頭門過卑後堂過高風緊水陡部署乖方且
歲久失修勢將就圮既不利於長官亦有碍於百姓
自應及時修理去危就安庶足以奠室家而靖邊圉
惟是地瘠民貧願安所得此鉅款而為之乎余曰見
義不為無勇此余之責也曷敢辭於是悉心籌畫擇
吉動工卑者起之高者平之朽壞者從而改建之並
移置外監添置土山培修倉廩通計為房二十餘間
經始於辛卯仲秋閱十有一月而工竣共用錢一千
四百餘釧皆余一人籌款墊辦未動公帑未累吾民
而廳署前後煥然一新語云有志者事竟成不其然
乎人亦有言官署如傳舍執是說也無論實缺署事
彼將曰不常厥居也此亦曰不常厥居也短於才者
既畏難而苟安吝於財者復因陋而就簡欲望衙署
倉廩舍其舊而新是謀豈不難哉不知衙署為闔廳
觀瞻所繫倉廩為百姓性命所關窮變通久乃古今

不易之經扶衰救敝實地方有司之職居其職當盡其心何論乎時之久暫款之有無亦惟視乎吾力所能爲盡乎吾心所當爲以求無愧於吾心無忝於吾職斯已耳至於公而忘私則吾豈敢鄙見如此爰誌之以質後之君子

訓導署舊在廳署左嘉慶十二年通判達崇阿請建奉文准動支廉俸截曠一款命訓導鮮于薰自行修建道光二十二年街民失火延燒頭門及明倫堂等處通判福來籌撥書院餘款買文廟前空地一段另建如前式立

御製卧碑於明倫堂左

雷波廳志

卷之八

公署

三

照磨署在聚賢街乾隆二十七年通判阮失名請款飭照磨馮際晏建修五十二年樑柱朽蝕照磨夏麟書請款另建敘州府知府施光輅委屏山縣知縣趙來震勘修光緒十五年照磨戴其璋借支俸廉建造三堂十七年照磨陸炳復捐廉再加修葺

分駐黃螂巡檢司署距廳城一百二十里本前明懶坎坪巡檢司舊署雍正七年改設衛守禦所爲千總署八年守禦千總鄒世捷請款補修乾隆二十六年改設巡檢卽爲巡檢司署道光二十六年巡檢張熙

借廉培建

普安營參將署在廳城內雍正八年遊擊鄂世威建圍牆周一百二十丈乾隆四十九年參將雷神保修箭廳於署之右道光元年牆屋朽壞參將噶勒炳阿請款培修奉准委通判楊宜恬中軍守備潘鈞會勘補修頭門儀門大堂二堂桅杆等處二十二年參將盛世祥捐廉補修行臺於長春園內建靖遠樓西官廳以備提臺巡閱之所光緒十年署參將蔣繼榮捐廉培修箭道及文案房十三年署參將貴成補立

雷波廳志

卷之八

公署

四

桅杆十七年署參將謝金誥復捐廉培修全署二十餘間十八年改建行臺內西官廳爲崇德堂祀歷任參將之有功於邊務者

普安左營守備署原建在烏角汛乾隆十二年參將買國樑奉調出師金川委中軍守備何懋儒護理維時錢糧文案均在烏角進城往返勢難兼顧於是改城北原建領哨千總署爲中軍守備署光緒九年守備羅焜培修相國祠於署東十八年守備金國柱復捐廉培修客廳頭門等處

左營千總署原建城北因乾隆十二年改作守備署
四十六年守備常永改建於城西光緒十七年千總
徐鉞復加修葺

左營存城把總署在城內千總署左雍正九年建

分防烏角汛把總署距廳城西十五里兵房五十六
連雍正九年委石角營巡檢監修

分防那比汛把總署距廳城西南二十里兵房十六
連雍正九年委高縣儒學監修

分防黑角汛把總署距廳城西九十里兵房四十連

雷波廳志

卷之八

公署

五

五寶山兵房七連道光二十年通判劉耀庚把總周
國良會勘建修光緒十六年不戒於火盡行焚燒署
參將謝金誥請款培修 制憲劉秉璋憫兵窮苦發
銀五百兩委把總吳占高監修

分防羅三溪汛把總署距廳東北一百二十五里道
光二十年署通判劉耀庚建修外建米倉火藥局各
一所

分防牛吃水汛外委署距廳東四十里本舊把總署
兵房十九連雍正九年委隆昌縣儒學監修

分防豆沙汛外委署距廳東南四十里兵房四連雍正八年委順慶府經歷監修

分防偏崖汛外委署距廳北五里道光十九年由虎跳汛移設通判劉耀庚建修

安阜營都司署在黃螂城內距廳東北一百二十里雍正八年建

安阜營千總署在黃螂城內雍正八年建

分防箐口汛把總署距安阜六十里距廳城六十里兵房二十九連雍正八年建

雷波廳志

卷之八

公署

六

分防那古汛外委把總署距廳一百四十里距安阜二十里兵房十六連雍正八年建

分防大漢汛外委把總署距廳一百四十里距安阜二十里兵房十二連雍正八年建

普安右營守備署在三稜岡石城內距廳西北九十里兵房一百六十連道光二十二年守備王國英建領哨把總署在三稜岡城內道光二十二年建

分防馬頸子汛千總署距三稜岡四十里距廳西一百里兵房六十七連道光二十二年建

養濟院 附

養濟院在城南嘉慶二十五年通判陸成本建養孤貧二十名光緒十二年通判周鳳藻於西門外另建養濟院增養孤貧二十名十八年城南舊院燬於火十九年通判秦雲龍集貲庇材于西門外添建房舍復增養孤貧二十名前後共養孤貧八十名皆在西門外居住

一舊養孤貧三十名每名月給錢三百六十文在藩庫領款支放

雷波廳志

卷之八

公署

七

一光緒十二年新增養濟院養孤貧三十名每名月給米六升通判周鳳藻稟撥常平倉賠款銀五百二十八兩又舖民楊春盛捐銀一百五十兩林裕興捐銀一百一十兩李傳興捐銀四十兩職員洪照康捐銀二十兩買當田土房屋各業歲收稻穀五十六石散給孤貧無餘無絀外收房租銀十兩佃租錢十六千文

一光緒十九年通判秦雲龍稟請增養孤貧二十名每名月給米六升在積穀項內動支散給